

中國史學叢書

何炳松主編

鄭鶴聲編

袁樞年譜

商務印書館出版

中國史學叢書

何炳松主編

江苏工业学院图书馆
藏書章

鄭鶴聲編

樞

年

譜

商務印書館出版

中國史學叢書
袁樞年譜

此書有著作權翻印必究

中華民國十九年七月初版

每冊定價大洋伍角

外埠酌加運費匯費

編纂者

鄭鶴

聲

主編者

何炳

松

發行兼
印刷者

上海寶山路
商務印書館

發行所

上海及各埠
商務印書館

Chinese Historiographical Series
THE CHRONOLOGICAL RECORD OF THE
LIFE OF YÜAN SHU

By

CHEN HE SHENG

Edited by

PING-SONG HO, M.A.

1st ed., July, 1930

Price: \$0.50, postage extra

THE COMMERCIAL PRESS, LTD., SHANGHAI


All Rights Reserved

袁樞年譜

袁氏亦作轅氏，又作爰氏，復有作滾轅援等字者，皆古字通用，一聲之轉，非別自爲姓也。
鄭樵氏族略列而爲三：（一）袁氏，嬀姓，舜後，陳胡公之裔。胡公生申公，申公生靖伯，十八世孫莊伯生諸，字伯爰，孫濤塗，以王父字爲氏，世爲陳上卿。（二）轅氏，陳轅濤塗之後，其詳見袁氏譜。史記儒林有轅固，漢書有轅豐，後漢功臣禦兒侯轅終古。（三）爰氏，卽袁氏也。陳胡公九代孫爰伯諸之後，漢有爰盎，楚人，後漢侍中爰延，陳留人，魏郎中令爰節。（通志卷二十七）姓觸列而爲六：（一）袁，兩元切。姓纂云陳胡公七世孫莊伯生諸，字伯爰，其子孫以王父字爲氏。左傳伯爰孫轅濤塗，濤塗子袁選，濤塗孫袁頗，袁僑。（二）轅，音同上。姓苑云轅濤塗之後，左傳陳大夫袁頗之族有轅咺，轅買，千家姓云彭城族，漢書有轅固，轅終古。（三）轅，音同上。出袁系，千家姓云臨安族。（四）滾，音同上。亦出袁系，千家姓云汝南族。（五）爰，音同上。千家姓云濮陽族。列子有爰旌國，前漢功臣爰類，後漢有爰延，爰魯。（六）援，音同上。亦出爰系，千家姓云陳留族。

〔姓觸卷二〕由此言之，則袁有六字五族之異。

附表一 袁氏系派表：



唐書宰相世系表：「袁氏出自嬀姓。陳胡公滿生申公犀侯，犀侯生靖伯庚，庚生季子懔，懔生仲牛甫，甫生雲伯順，順生伯他父，他父生戴伯，戴伯生鄭叔，鄭叔生仲爾金父，金父生莊伯，莊伯生諸，字伯爰，孫宣仲濤塗，賜邑陽夏，以王父字爲氏。宣仲生選，選生聲子突，突生惠子

雅，雅生頗，奔鄭。秦末裔孫告辟難，居於河洛之間，少子政，以袁爲氏，九世孫袁生生玄孫幹，封貴鄉侯，復居陳郡陽夏。八世孫良，二子昌，璋。昌，成武令，生漢司徒安，字邵公，三子賞，京，敞。京，蜀郡太守，二子彭，湯。湯字仲河，太尉，安國康侯，三子成，逢，隗。成，左中郎，生紹。紹中子熙，其後世居樂陵東光。熙裔孫全喜（同州侍中）。璋生司徒滂，字公熙，滂生渙，字曜卿，魏御史大夫，四子侃，寓，與，準。準字孝尼，晉給事中。生冲，字景玄，光祿勳。生耽，字彥道，歷陽太守。耽生質，字道和，東陽太守，二子湛，豹。豹字士蔚，丹陽尹，二子洵，湛。洵，宋吳郡太守，謚曰貞，二子顗，顗字國章，宋雍州都督，二子戡，昂。（梁司空）河東袁氏，本出陳郡。（唐書卷七十四）列表如次：

附表二：袁氏系統表：

袁氏（姁姓 舜後）——陳胡公——申公——靖伯——季子愔——仲牛甫——聖伯順——伯它父——戴伯

鄭叔——仲爾金父——莊伯——諸（陽夏祖）——濤塗——選——突——雅（鄭祖）——頗（河洛祖）——告（以袁爲氏）——政——生



據此，袁氏世居陽夏，再徙東光，別出河東，唐時袁氏得宰相三人，恕己相中宗，爲昌之裔，滋相憲宗，爲璋之裔，智弘相高宗，爲河東派所出。而昌之裔孫，莫與之匹，故袁氏諸族，汝南爲著。劉子玄所謂：「稱袁則飾之陳郡」（史通邑里）者是也。而袁樞者，實屬汝南之裔。千家姓云：「汝南族，漢書有袁盎，袁安，袁閎，袁隗，袁逢，袁紹。三國有袁潭，袁尙，袁熙。晉書有袁宏。南史有袁粲，袁叔文，袁昂。唐書有袁天綱，袁朗。宋史有袁樞。」（姓觴卷二引）韓愈袁氏先廟碑云：「周樹舜後，陳陳公子有爲大夫食國之地，袁鄉者，其子孫世守不失，因自別爲袁氏。春秋世陳常歷於楚，與中國相加尤疏，袁氏猶斑斑見可譜。常居陽夏，陽夏至晉屬陳郡，故號陳郡袁氏。博士固申，儒過黃，唱業於前，司徒安懷德於身，袁氏遂大顯，連世有人。終漢連魏晉，分仕南北。」（昌黎集卷二十七）是則袁氏之族，至魏晉始分散矣。說者謂：「袁氏之族，粉居列州，而系望皆出於陳郡陽夏，支葉扶疏，本原實一。」（袁氏藝文志序）建安袁氏，樞其代表人物焉。四庫總目：「袁樞字機仲，建安人。孝宗初，試禮部第一。歷官至工部侍郎，以召文殿修撰知江陵府，尋提舉太平興國宮事，蹟具宋史本傳。」（四庫總目卷四十九）茲集其生平事蹟爲

袁樞年譜

宋高宗紹興元年辛亥（西元一一三一）一歲。

（一）生於建州建安縣。宋史本傳：「袁樞，字機仲，建之建安人。」（宋史卷三百八十九）建安屬福建路。宋史地理志：「建寧府本建州建安郡，舊軍事。崇寧戶一十九萬六千五百六十六。縣七，建安、浦城、嘉樂、松溪、崇安、政和、甌寧。」（宋史卷八十九）疑年錄三續：「袁機仲七十五，樞生紹興元年辛亥，卒開禧元年乙丑。」（疑年錄卷二）是時距司馬光之卒已四十有五年。（疑年錄司馬君實六十八，生天禧三年己未，卒元祐元年丙寅。案即西元一〇一九至一〇八六也。）宋淳熙間郡守韓元吉記其風俗曰：「家有詩書，戶藏法律，其民之秀者，狎於文，負其厲氣者，亦悍以勁。」（康熙建寧府志卷五）樞之品性，頗受地方風氣之響影云。

（二）祖勝之，退建寇。福建通志宋列傳：「袁樞祖勝之，居家以信義聞。建炎間，張員范汝爲二寇繼發，欲屠其鄉。勝之挺身往說，遂引去。」（福建通志卷七十四）又外紀：「建炎

元年，建州軍校張員等作亂，二年夏五月，轉運判官謝如意執張員等誅之。又「建炎四年秋七月，建州民范汝爲作亂，紹興元年冬十月，范汝爲復叛入建州。二年春正月，宣撫使韓世忠圍建州，汝爲自焚死，餘黨悉平。」（福建通志卷一百六十六）是張范之亂，自建炎元年，至紹興二年方平也。

紹興二年壬子（西元一一三二）二歲。

韓世忠平建州

宋史高宗本紀：「紹興二年春正月辛丑，韓世忠拔建州，范汝爲自焚

死，斬其二弟，餘黨悉平。」（宋史卷二十七）又韓世忠傳：「建州范汝爲反，辛企宗等捕討不克，賊勢愈熾，以世忠爲福建江西荆湖宣撫副使。世忠曰：『建居閩嶺上流，賊沿流而下，七郡皆血肉矣。』亟領步卒三萬，水陸並進。五日城破，汝爲竄身自焚，斬其弟岳吉以徇。世忠欲盡誅建民。李剛自福州馳見世忠曰：『建民多無辜，世忠令軍士馳城上，毋下，聽民自相別，農給牛穀，商賈弛征禁，脅從者流遣，獨取附賊者誅之。民感更生，家爲立祠。』（宋史卷三百六十四）自是建州一帶，始得安居樂業矣。

紹興三年癸丑（西元一一三三）三歲。

重修神宗哲宗實錄

宋史職官志：「紹興三年，詔置國史院，重修神宗哲宗實錄，以從

官充修撰，以左僕射呂頤浩提舉國史，右僕射朱勝非監修國史。」（宋史卷一百六十四）

紹興四年甲寅（西元一一三四）四歲。

朱熹始入小學

朱子年譜：「紹興四年甲寅，五歲，始入小學。年譜：韋齋與內弟程復亨

書云，息婦生男名五二，今五歲上學矣。」（朱子年譜卷一）

紹興五年乙卯（西元一一三五）五歲。

當始誦讀

尚友錄謂樞七八歲時題詩屏間，爲衆所奇。（見後）則其誦讀當先此數年。

紹興六年丙辰（西元一一三六）六歲。

當在誦讀

見前。

紹興七年丁巳（西元一一三七）七歲。

（一）當在誦讀

見前。

(二) 呂祖謙生

疑年錄：「呂伯恭四十五（祖謙）生紹興七年丁巳，卒淳熙八年辛丑。」

（疑年錄卷二）案伯恭爲機仲論學好友，又爲同年友，生晚於機仲，而卒又早於機仲，蓋機仲之小友也。

紹興八年戊午（西元一一三八）八歲。

當題詩屏間

尙友錄：「袁樞幼穎悟，七八歲時，題詩屏間云，泰山一葉輕，滄浪一滴水，

我觀天地間，何啻猶一指。衆大奇之。」（尙友錄卷五）機仲之幼慧，可見一斑矣。

紹興九年己未（西元一一三九）九歲。

命修徽宗實錄及元豐會要

宋史高宗本紀：「紹興九年二月壬申，命修徽宗實錄。十

二月，命修元豐會要。」（宋史卷二十九）又職官志：「紹興九年，修徽宗實錄，詔以實錄院

爲名，仍以宰臣提舉，以從官充修撰。又是年詔秘書省校讎國朝會要。」（宋史卷一百六十

四）

紹興十年庚申（西元一一四〇）十歲。

罷史館置監修官

宋史高宗本紀：「紹興十年二月丁卯，罷史館，以日曆歸祕書省，置

監修國史官。」（宋史卷二十九）又職官志：「紹興十年，日曆所詔依舊制併歸祕書省國

史，案以著作郎佐修纂。舊史館官罷歸元官尋復。」（宋史卷一百六十四）

紹興十一年辛酉（西元一一四一）十一歲。

秦檜上徽宗實錄

宋史高宗本紀：「紹興十一年七月戊戌，秦檜上徽宗實錄。」（宋史

卷二十九）又秦檜傳：「十一年六月拜僕射同中書門下平章事兼樞密使，徽宗實錄成，

遷少保。」（宋史卷四百七十三）

紹興十二年壬戌（西元一一四二）十二歲。

始立太學

宋史高宗本紀：「紹興十二年四月甲申，增修臨安府學爲太學。」（宋史卷

三十）又選舉志：「建炎初，卽行在置國子監，立博士二員，以隨行幸之士三十六人爲監生。

紹興八年，葉絳上書請建學，而廷臣皆以兵興餽運爲辭。十二年兵事稍息，建太學，置司業

祭酒各一員，博士三員，正錄各一員，養士七百人，上舍生三十員，內舍生百員，外舍生五百

七十員。自外舍有月校而公試入等曰內舍，自內舍有月校而舍試入等曰上舍，凡升上舍者，皆直赴廷對。」（宋史卷一百五十七）

紹興十三年癸亥（西元一一四三）十三歲。

修兩朝忠義錄

玉海藝文：「紹興十三年六月十四日，詔史館編修靖康建炎忠義錄。」

（玉海卷五十八）

紹興十四年甲子（西元一一四四）十四歲。

秦熺進日曆禁野史

宋史秦檜傳：「紹興十四年，檜乞禁野史，又命子熺以祕書少監

領國史，進建炎元年至紹興十二年日曆五百九十卷。自檜再相，凡前罷相以來詔書章疏稍及檜者，率更易禁棄，日曆時改，亡失已多，是後記錄皆贍筆，無復有公是非矣。」（宋史卷四百七十三）

紹興十五年乙丑（西元一一四五）十五歲。

詔增太學弟子員

宋史高宗本紀：「紹興十五年二日戊寅，增太學弟子員百人。」（宋

史卷三十)通鑑後編：紹興十五年二月戊寅，帝謂宰執曰：朕觀史冊，見古之養士，有至二三千人，亦朝廷一盛事。於是復增弟子員百人。通舊以七百人爲額，尋命置上舍生三十人，內舍生百人。」(通鑑後編卷一百十六)

紹興十六年丙寅(西元一一四六)十六歲。

詔增太學外舍生

宋史高宗本紀：「紹興十六年春正月戊子，增太學外舍生額至千

人。」(宋史卷三十)又選舉志：「凡諸道住本州學滿一年三試中選，不犯第三等以上罰，或不住學而曾兩豫釋奠及齒於鄉飲酒者，聽充弟子員。每歲春秋而試之，旋命一歲一補。於是多士雲集，至分場試之。俄又詔三年一試，增至千員，中選者皆給綾綵贊詞以寵之。」(宋

史卷一百五十七)

紹興十七年丁卯(西元一一四七)十七歲。

(一)當入太學

福建通志宋列傳：樞初入太學。(通志卷七十四)高宗自紹興十二

年重興太學，嗣後連年擴充學額，南宋太學盛於一時。所謂多士雲集者，蓋不虛也。機仲曾

入太學肄業，亦當在是時矣。

(二)朱熹舉鄉貢

朱子年譜：「紹興十七年丁卯，十八歲。秋，舉建州鄉貢。年譜：考官蔡

滋謂人曰：吾取中一後生，三篇策皆欲爲朝廷措置大事，他日必非常人。」（朱子年譜卷

一）

紹興十八年戊辰（西元一一四八）十八歲。

(一)當在太學

見前。

(二)朱熹登進士第

朱子年譜：「紹興十八年戊辰，十九歲。春，登王佐榜進士。夏，准勅

賜同進士出身。年譜：中第五甲第九十人。語錄：某少年時，只做得十五六篇舉業，後來只是

如此發舉及第。」（朱子年譜卷二）

紹興十九年己巳（西元一一四九）十九歲。

(一)當在太學

見前。

(二)禁科舉用程說

宋史選舉志：「紹興十九年，詔自今鄉貢前一歲州軍屬縣長吏

籍定合應舉人，以次年春縣上之州，州下之學，覈實引保。自神宗朝程顥程頤以道學倡於洛，四方師之，中興盛於東南，科舉之文，稍用頤說。諫官陳公輔上疏詆頤學，乞加禁絕。秦檜入相，甚至指頤爲專門。侍御史汪勃請戒飭攸司，凡專門曲說，必加黜落。中丞曹筠亦請選汰用程說者，並從之。」（宋史卷一百五十六）

紹興二十年庚午（西元一一五〇）二十歲。

（一）當在太學 見前。

（二）試國子監 宋史本傳：「幼力學，嘗以修身爲弓賦，試國子監，周必大劉珙皆期以遠器。」（宋史卷三百八十九）案周必大傳：「紹興二十年登進士，授徽州戶曹，中博學鴻詞科，教授建康府。除太學錄。」（宋史卷三百九十一）又劉珙傳：「登進士乙科，召除諸王宮大小學教授。」（宋史卷三百八十六）機仲自幼力學，復以修身爲務，故爲時人所器重，必大於是年登進士第，其除太學錄，至早當在是年也。

紹興二十一年辛未（西元一一五一）二十一歲。